



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Io. Francisci Leonis Eporediensis I. V. D. Episcopi  
Thelesini Thesaurus Fori Ecclesiastici**

**Leoni, Giovanni Francesco**

**Coloniae Agrippinae, 1682**

3 Matrimonium duabus ex causis principaliter contrahitur.

**urn:nbn:de:hbz:466:1-10316**

- 121 *Causa probabilis à muliere pro divortio alleganda.*
- 122 *Maritus potest mulierem verberibus modeste castigare.*
- 123 *Causa legitima allegata, licet dubia, quid operetur.*
- 124 *Maritus, quando teneatur prestare alimenta, & sumptus litis uxori secum litiganti.*
- 125 *Vxor propria auctoritate à viro sine causa discedens minime est alienanda.*
- 126 *Causa legitima tantum praesumpta obligat maritum ad alimenta, & ad sumptus litis.*
- 127 *Alimenta ante sententiam debentur.*
- 128 *Cautio praestita à marito de non offendenda uxore, quomodo intelligenda.*
- 129 *Bononiensium muliercularum nequitia.*
- 130 *Maritus, quando cautionis praestitae potnam incurrat.*
- 131 *Præceptum iudicis, & cautio modo declaratur.*
- 132 *Fidejussio praestita à marito, quomodo intelligenda.*
- 133 *Matronarum, & aliarum mulierum Bononiensium laus.*
- 134 *Virginem seducens, ad qua teneatur.*
- 135 *Lex ad quid stupratorem obliget.*
- 136 *Dos sine matrimonio esse non potest.*
- 137 *Dotis cessante causa, dos & cessare debet.*
- 138 *Ratio est animae legi.*
- 139 *Dos debetur in poenam stupri.*
- 140 *Dos, quare marito detur.*
- 141 *Restitutio gloriae, & famae, à quo faciendae.*
- 142 *Dotis quantitas juxta facultates deflorantis, & dignitatem puellae esse debet.*
- 143 *Deflorans virginem ad majorem detenti obligatur.*
- Virginitas est secunda dos.*
- 144 *Puella, virginitate amissa, plurimum perdit.*

**Q**UIA supra visum fuit de dispensationibus, & impedimentis consanguinitatis, affinitatis, & alijs, quæ ad effectum matrimonij celebrandi per dispensationem sæpe tolluntur, de alijs impedimentis, & quomodo sponsalia contrahantur, & matrimonia celebrentur, nuac videre contingit, ad quorum explanationem, primò præsupponendum est, quòd matrimonium sit duplex, † spirituale, & carnale, *cap. unic. de vor. & vo. redempt. in 6.* Matrimonium carnale est viri, & mulieris conjunctio, individuanam vitæ consuetudinem continens, *instit. de patr. pot. in princip. l. 1. ff. de rit. nuptia. 27.*

*quest. 2. cap. 1. 29. quest. 1. cap. 1. §. 1. cap. illud, in fin. de praesumpt. & concil. Tridentin. doct. de sacr. matrimon. in princip. sess. 24.*

2 Et in paradiso † à domino nostro ante peccatum fuit institutum *Genes. cap. 2. in fin. cap. sicut, §. his ita, 32. quest. 2. cap. fraternitatis. 35. qu. 10. cap. debitum. de bigam. non ord. & conc. Trident. can. 1. de sacr. matr. d. sess. 24.*

3 Matrimonium † carnale duabus ex causis principaliter contrahitur, sobolis, scilicet, suscipiendae, & fornicationis evitandae, *cap. sicut, §. his ita, cap. quicquid. 32. quest. 2. & Hostien. in sum de matrimon. §. & quare,*



Et quare numer. 19. Est enim unum ex septem Sacramentis Ecclesie, à Christo domino institutum. Qui autem aliter credit, anathema est, *cap. ad abolendam in princip. de heret. & d. can. 1. de sacr. matrimon.* Nec post contractum regulariter dissolvi potest, quia quos Deus conjunxit, homo non separat, *Mass. cap. 19. & Marc. cap. 10. cap. quos Deus, 33. quest. 2. Lap. alleg. 86 in fin. Jal. in l. ait. praetor. numer. 25. ff. de jurejur. & concil. Trident. doct. de sacr. matr. vers. quos ergo, ead. sess. 24.*

Triplex enim † designatur Sacramentum mysterium in matrimonij carnali copula consummati, primum est unio fidelis animæ ad Deum per dilectionem, & charitatem, & hoc designatur per conjunctionem animorum in ipsa prima desponsatione, dum alter per mutuum consensum, consentit in alterum, & designat charitatem, quæ consistit in spiritu inter Deum & justam animam, *cap. debitum, in princip. junct. in ver. Sacramentum, de bigam.* secundum est unio humanæ naturæ ad Deum, quæ facta est in utero virginali per incarnationem Verbi Dei, & hoc designatur per carnalem conjunctionem viri, & uxoris, reliquum verò designat conformitatem, quæ constitit in carne inter Christum, & sanctam Ecclesiam. Bellarm in 4. *controv. pen. lib. 2. de monach. c. 38. §. porro id.* primum enim est unio voluntatis, secundum est naturæ conformitas, tertium Sacramentum est unitas Ecclesie ex omnibus gentibus collecta, & uni viro Christo subjecta. Hoc autem Sacramentum designatur per illum conjugatum, qui unicum tantum matrimonium servavit: sed, ubi secundum matrimonium contrahitur, hoc

tertium Sacramen. non habet locum, quia recedit ab illa unitate, quæ primò signabatur per unicum matrimonium, quia in secundo matrimonio dividit carnem suam in plures, unde unitatem jam signare non potest, Christus enim signat unitatem ex omnibus gentibus, sed ex quo Ecclesia Christo se conjunxit, ab eo nunquam discessit, nec ipse ab ea; ergo bis conjugatus talem unitatem significare non potest, *gl. in d. c. debitum, in verb. Sacramentum, de bigam.*

Dicitur enim matrimonium † à matre, & munium, quasi matris officium, quod dat mulieribus esse matres, quibus filij ante partum sunt onerosi, in partu dolorosi, post partum laboriosi; & ex hoc legitima conjunctio maris, & femine magis matrimonium, quàm patrimonium nuncupatur, *c. 2. de convers. in fid.*

Matrimoniales causæ † ad iudices ecclesiasticos spectant, per quos sunt decidendæ, & terminandæ, *cap. multorum, 35. qu. 6. cap. 1. in fin. de consang. & affin. cap. ex auditis, de prescript. & cap. accedentibus, de excess. pralat.* contradicentes verò anathematis pœnam incurrunt, *d. can. fin. de sacr. matr.* nec cuilibet iudici ecclesiastico committi debent, quia, cum sint arduæ, ut tradit Abb. in *cap. mulieri n. 6. de jurejur.* non per inferiores, sed ab Episcopis tantum sunt cognoscendæ, concil. Trident. *c. 20. vers. ad hæc causa, de reform. ea sess. 24.* ita quòd principaliter, neque incidenter per iudices laicos possint tractari *d. c. multorum, & plane Farinac. in praxi crimin. tom. 1. par. 1. q. 2. numer. 149.*

Nam matrimoniales causæ aded sunt privilegiatæ, ut, duobus litigantibus, si extra Provinciam causa committatur, & pars, contra quam erit commissa, pauper-